

卷五



書名 秋讞輯要六卷
 撰者 清 剛毅 輯
 卷 卷五
 內容分類 史-政書 法令-刑案
 索書號 大木-法類-獄訟-秋審-11
 編號 B3863100

彩色首頁1

東洋文化研究所漢籍目錄 編號: B3863100

東洋文化研究所漢籍目錄所藏漢籍善本文影像資料庫 索書號: 大木-法類-獄訟-秋審-11

漢籍善本文影像資料庫文本秋讞輯要六卷

版權所有: 東京大學 東洋文化研究所

使用上的注意事項

秋
讞
輯
要
卷
一

秋審事宜

凡斬絞監候應入秋審案件俱按該省題結日期截止雲南貴
 州四川廣東廣西封印日截止福建正月三十日截止奉天陝
 西甘肅湖南湖北江蘇江西浙江安徽二月初十日截止河南
 山東山西三月初十日截止直隸三月三十日截止新疆察哈
 爾
 六月三十日截止本部現審七月十五日截止如遇下半年
 以七月三十日截止計算題結在截止日以前歸本年辦
 理如題結在截止日以後歸次年辦理其外省具題雖在開印

秋
獻輯要卷五

竊盜搶竊門成案

强姦十一歲幼女已成

陝西案

一起童鶴年强姦幼女薛桂女子已成一案將童鶴年依例擬斬

等因具題奉

旨三法司核擬具奏欽此該_臣等會看得童鶴年籍隸浙江來至陝

西與年甫十壹歲之薛桂女子先不認識薛桂女子係王氏童

養未婚之媳嗣童鶴年因與王氏通姦租賃王氏房屋同院居

住同治拾貳年貳月拾伍日王氏出外觀劇留薛桂女子在家

看門童鶴年憶及薛桂女子少艾頓萌淫念關閉院門詭稱房
內有糖誘令取食薛桂女子信實進房童鶴年將薛桂女子抱
至炕上按倒扯下褲子薛桂女子聲喊掙紮致將褲腰扯裂童
鶴年用腰帶手帕將薛桂女子手口捆裹強行姦污姦畢解開
帶帕令薛桂女子穿褲下炕薛桂女子往向王氏告知王氏回
向童鶴年盤悉實情童鶴年央免聲張訪驗獲犯審供不諱除
王氏擬以枷杖援免外童鶴年合依強姦拾貳歲以下拾歲以
上幼女斬例擬斬監候秋後處決事犯在

恩旨

恩詔以前係強姦幼女已成不准援減援免等因具題奉
旨童鶴年依擬應斬著監候秋後處決餘依議欽此

光緒貳年秋審姦匪強姦幼女已成童鶴年應情實

誘姦柒歲幼女已成

江蘇武進縣案

一起萬阿大誘姦幼女劉催弟已成一案將萬阿大依律擬斬立決等因具題奉

旨三法司核擬具奏欽此該

臣

等會看得萬阿大與年甫柒歲幼女

劉催弟之父劉禮錫認識往來光緒元年正月初八日萬阿大飲醉路過劉禮錫門首見催弟在彼閒耍問知家無別人買給橘子壹個並令上街頑耍催弟答應欲去萬阿大將催弟抱起順摸下體頓萌淫念即將催弟抱至僻處仰面放在地上甫經行姦催弟喊痛萬阿大慌忙起身見催弟下體流血心生悔懼

當卽送回逃避劉禮錫回家詢悉前情報驗獲犯審供不諱萬阿大合依將未至拾歲幼女誘去強行姦污者照光棍斬例擬斬立決恭逢

恩詔係誘姦拾歲以下幼女已成不准援免並授案聲明萬阿大尙有悔懼之心等因具題奉

旨九卿定擬具奏欽此該_臣等議得萬阿大誘姦柒歲幼女劉催弟已成因催弟喊痛卽行中止尙有悔懼之心核與孫小連成案情事相同自應量從末減應將萬阿大改爲斬監候秋後處決等因具題奉

旨萬阿大依擬改爲應斬著監候秋後處決餘依議欽此

光緒叁年秋審誘姦悔懼中止惟係年甫柒齡幼女萬阿大應情實

强姦幼孩已成致令羞忿自盡

安徽靈璧縣案

一起薛聰强姦陳迎椿已成致令羞忿自縊身死一案將薛聰比
例擬斬等因具題奉

旨三法司核擬具奏欽此該^臣等會看得薛聰與年拾伍歲之陳迎椿

鄰居往來薛聰開葦頭舖生理同治拾壹年柒月拾貳日更餘
時分陳迎椿至薛聰舖內乘涼隨在地鋪席上側身睡熟薛聰
四顧無人從陳迎椿背後拉下衣袴潛行雞姦陳迎椿驚醒喊
掙薛聰用力抱住嚇禁聲張强行姦畢逃逸陳迎椿回家哭訴
其父陳庭祥邀人找尋薛聰未遇回見陳迎椿哭泣不止稱被

薛聰欺侮無顏為人當向用言勸慰拾叁日陳庭祥外出詎陳
迎椿羞忿莫釋乘間投繯殞命報驗獲犯審供不諱查薛聰強
行雞姦陳迎椿已成致令羞忿自縊身死例無治罪專條自應
比例問擬薛聰應比依強姦已成本婦羞忿自盡者斬例擬斬
監候秋後處決等因具題奉

旨薛聰依擬應斬著監候秋後處決餘依議欽此恭逢

恩旨

恩詔奏明不准援減援免

光緒元年秋審強嚇姦污致令羞忿自盡薛聰應情實等因具

題奉

旨這情實人犯今年著停止勾決已有旨了欽此貳年秋審薛聰仍
情實

強姦未成本婦羞忿自盡

河南登封縣案

一起李六十強姦劉氏未成致令羞忿自縊身死一案將李六十依例擬絞等因具題奉

旨三法司核擬具奏等因欽此該

臣等會看得李六十與劉氏同院

居住劉氏係李保淋童養未婚之妻李六十與李保淋同姓不宗同治拾叁年陸月貳拾柒日李保淋與母呂氏外出劉氏在屋獨處李六十起意圖姦往向調戲劉氏不依喊罵李六十將劉氏拉至床邊欲行強姦劉氏掙拒李六十用手抓傷其左右手背擦傷脊背尙未姦污適呂氏回家聞聲趨至喝罵李六十

逃逸劉氏以被李六十欺辱無顏爲人之言向呂氏哭訴呂氏
勸慰並找李保淋回歸告知正欲控究劉氏羞忿莫釋乘間投
緘殞命報驗獲犯審供不諱除劉氏附請

旌表外李六十合依強姦未成本婦羞忿自盡者絞例擬絞監候秋
後處決事犯在

恩旨

恩詔以前係強姦未成致本婦羞忿自盡不准援減援免應照奏定
章程酌入秋審緩決辦理等因具題奉

旨李六十依擬應絞著監候酌入秋審緩決餘依議欽此

光緒貳年秋審李六十應緩決

因姦毆逼本夫自盡 山西甯武縣案

一起郝三纏因姦威逼致本夫郝來征服毒身死一案將郝三纏
依律擬斬等因具題奉

旨三法司核擬具奏欽此該_臣等會看得郝三纏與無服族弟郝來

征同村往來郝來征之妻梁氏習見不避郝三纏與梁氏通姦
郝來征先不知情後經窺破姦情將梁氏毆罵禁絕往來郝三
纏未敢再往嗣郝三纏將郝來征家水渠侵占郝來征向論爭
吵郝三纏拳毆郝來征未傷經人勸歇仍將水渠退還同治拾
年玖月拾叁日夜郝三纏探知郝來征外出未回欲往與梁氏

續姦懼被郝來征撞見不依憶及郝來征曾借欠伊錢文未償以索欠爲名走進梁氏院內適郝來征外回撞見喝問郝三纏答稱索欠郝來征斥說不應黑夜討欠定係來與梁氏姦宿將郝三纏揪住稱欲送官郝三纏將郝來征推跌倒地用手抓傷其左右眼胞左右顙頰致擦傷右手腕右肋左後肋郝來征揪住郝三纏衣襟不釋郝三纏情急用手帶銅鐲毆傷其額顙經郝銀得等趨至勸歇梁氏亦聞聲趨視詢明情由將郝來征扶至屋內郝來征聲言屢被郝三纏欺辱定欲拚命梁氏等勸慰詎郝來征氣忿莫釋乘間自服煙土至次日毒發殞命報驗審

供不諱將郝三纏比依因姦威逼人致死斬律量減擬流等因具題經刑部以郝三纏與郝來征之妻通姦迨經郝來征撞遇輒敢將其推跌倒地抓毆致傷顙有挾制窘辱情狀駁令覆審妥擬去後茲據該撫遵駁訊明改擬具題查郝來征係郝三纏無服族弟應同凡論除梁氏擬以枷杖援免外郝三纏合改依因姦威逼人致死者斬律擬斬監候秋後處決事犯在

恩旨

恩詔以前係因姦威逼本夫自盡不准援減援免酌入秋審緩決辦理等因具題奉

旨郝三纏依擬應斬著監候酌入秋審緩決餘依議欽此

光緒叁年秋審郝三纏應緩決

翁調姦媳不從將其毆傷越叁日身死

吉林案

一起李存強姦未成毆傷本婦李氏越三日身死一案緣李存與李氏素睦無嫌李氏係李存子婦同治拾年貳月初肆日李存之妻劉氏同子李連升出外探親李存在家飲醉向李氏調姦李氏不從聲喊李存恐人聞知恥笑嚇禁不止取木棒毆傷其右腿李氏愈肆喧鬧李存氣忿棄棒取鐵斧用背嚇毆適傷其腦後倒地經人聞鬧踵至詢悉前情李氏至初柒日殞命報驗審供不諱查李存向伊子婦李氏調姦未成將其致斃翁媳之義已絕應同凡論調姦未成毆死本婦例內並無作何治罪明

文自應比例問擬除李氏附請

旌表外李存應比依強姦未成將本婦毆傷越數日後因傷身死者
照因姦威逼致死律斬例擬斬監候秋後處決事犯在

恩旨

恩詔以前係調姦子媳未成毆斃本婦不准援減援免等因具題奉
旨李存依擬應斬著監候秋後處決餘依議欽此

光緒叁年秋審調姦子婦未遂逞忿毆斃淫惡亂倫李存應情

實

語言調戲致室女羞忿自盡 山東平度州案

一起郝朋云語言調戲致李滿嫚羞忿自縊身死一案將郝朋云
依例擬絞等因具題奉

旨三法司核擬具奏等因欽此該 臣 等會看得郝朋云與李滿嫚之

兄李秀云素識往來李滿嫚見面不避同治陸年肆月貳拾陸
日郝朋云赴李秀云家間逛適李秀云與母許氏外出李滿嫚
在家獨處郝朋云用言向李滿嫚調姦李滿嫚不依喊罵郝朋
云畏懼逃避李秀云回家李滿嫚哭訴前情並稱被郝朋云欺
侮無顏爲人不如自盡李秀云用言勸慰通知許氏同往找尋

郝朋云理論未遇詎李滿嫚羞忿莫釋乘間投繯殞命報驗獲犯審供不諱除李滿嫚附請

旌表外郝朋云合依但經調戲本婦羞忿自盡者絞例擬絞監候秋後處決等因具題奉

旨郝朋云依擬應絞著監候秋後處決餘依議欽此

同治玖年秋審語言調戲致室女羞忿自盡郝朋云應情實

語言調戲致室女羞忿自盡例應入實惟尙無手足勾引情狀似應照向辦成案於

黃冊內黏籤聲敘記候核 照實聲敘

語言調戲致室女羞忿自盡

河南甯陵縣案

一起候時寅語言調戲致徐大姐羞忿自縊身死一案將候時寅依例擬絞等因具題奉

旨三法司核擬具奏欽此該_臣等會看得候時寅與徐大姐之父徐

灑光鄰居往來徐大姐見面不避同治柒年肆月貳拾捌日徐

灑光夫妻外出徐大姐在家看門候時寅赴徐灑光家借標見徐大姐獨處起意調姦即用言向其調戲徐大姐不依喊罵適

徐灑光回歸候時寅畏懼逃避徐大姐哭訴前情徐灑光生氣往尋候時寅理論未遇徐大姐哭泣不止聲言被人調戲不願

爲人不如尋死徐灑光勸慰詎徐大姐羞忿莫釋於貳拾玖日
乘間投繯殞命報驗審供不諱除徐大姐附請

旌表外侯時寅合依但經調戲本婦羞忿自盡者絞例擬絞監候秋
後處決等因具題奉

旨候時寅依擬應絞著監候秋後處決餘依議欽此

同治玖年秋審語言調戲致室女羞忿自盡侯時寅應情實

死係十五歲幼女雖無手足勾引亦難聲敘 照

實

本夫姦所獲姦登時將姦婦毆傷

身死姦夫擬抵

四川南部縣案

一起何三汰因姦致姦婦嚴氏被本夫姦所登時毆傷身死一案
將何三汰依例擬絞等因具題奉

旨三汰司核擬具奏欽此該_臣等會看得何三汰與嚴氏之夫何大

哮時常往來何三汰係何大哮無服族叔嚴氏見面不避何三
汰乘間與嚴氏通姦何大哮並不知情光緒元年貳月初拾日
夜何三汰探知何大哮出外復往與嚴氏續姦適何大哮回家
從門縫窺見何三汰與嚴氏在房說笑氣忿踢門進內喊拏何

三汰起身欲跑何大哮趕攏抓住何三汰髮辮嚴氏攏護何三

沐掙脫逃逸何大哮忿激順用木凳毆傷嚴氏左右臂膊嚴氏
奪凳何大哮毆傷其左右肘倒地移時殞命首驗審供不諱
查嚴氏係何三汰無服族姪之妻應同凡論除何大哮擬杖外
何三汰合依本夫姦所獲姦登時將姦婦殺死姦夫到官供認
不諱者姦夫絞例擬絞監候秋後處決等因具題奉

旨何三汰依擬應絞著監候秋後處決餘依議欽此

光緒叁年秋審因姦釀命究由本夫自殺其妻何三汰應緩決

搶賣總麻姪婦致令自盡

湖北松滋縣案

一起雷洸炳搶賣總麻姪婦蕭氏致令自縊身死一案將雷洸炳
依例擬絞等因具題奉

旨三法司核擬具奏等因欽此該_臣等會看得雷洸炳與蕭氏素無

嫌隙蕭氏係雷洸炳總麻服姪雷序柏之妻同治拾壹年拾貳
月間雷序柏因貧往託雷洸炳借錢雷洸炳無從設措雷序柏
復央代爲籌畫雷洸炳稔知蕭氏年輕生有姿色起意勸令雷
序柏嫁賣得財分用雷序柏應允雷洸炳探有素識之李心壽
欲娶妻室囑令雷序柏將蕭氏捏作孀居弟妻央人向李心壽

媒說議定財禮錢柒拾伍千文寫給婚書約俟過門交錢雷序
柏回向蕭氏告知前情勸令改嫁蕭氏哭稱情願餓死誓不改
嫁雷序柏往告雷泚炳欲將婚書退回雷泚炳因慮改嫁不成
不能度歲復起意主使屆期邀人強搶雷序柏先未應允雷泚
炳用言恐嚇雷序柏畏懼允從貳拾伍日雷泚炳邀同李心壽
等前往搶親行抵雷序柏門首雷序柏出見囑令李心壽等在
外等候自與雷泚炳進內強捉蕭氏由後門跑往附近族人雷
向雲家躲避雷泚炳等趕至雷向雲家搜尋蕭氏聞開慮被尋
獲搶嫁不甘失節潛闕雷向雲園門趨至間壁雷氏家祠將門
關閉用布帶在鼓架上自縊殞命報驗獲犯審供不諱查雷泚
炳係蕭氏夫之總麻服叔與蕭氏並無服制應以疏遠親族論
除雷序柏比照孀婦自願守志夫家強嫁不甘失節自盡例擬
徒援免李心壽免緝蕭氏附請

旌表外雷泚炳合依圖財強賣卑幼如婦女不甘失節因而自盡者
疎遠親族絞例擬絞監候秋後處決事犯在

恩旨

恩詔以前係圖財強賣總麻姪婦致令自盡不准援減援免應照奏
定章程酌入秋審緩決等因具題奉

旨雷洸炳依擬應絞著監候酌入秋審緩決餘依議欽此

光緒貳年秋審雷洸炳應緩決

搶賣無服族姪孫婦已成並追

歐無服族姪孫落水溺斃 安徽壽州案

一起周銘常搶賣族姪孫婦馬氏已成並追歐周理紀落水身死

一案將周銘常依例擬絞等因具題奉

旨三法司核擬具奏欽此該_臣等會看得周銘常係馬氏之夫周廷

貴並周理紀無服族叔祖均素無嫌隙馬氏夫故孀守光緒貳

年柒月間周銘常因貧起意將馬氏嫁賣得錢用度邀允伊弟

周銘禮捏稱馬氏自願再醮托素好之高勝韓三媒說賣與宋

麻孜爲妻言明身價錢一百四十五千文宋麻孜隨付錢三十

五千經周銘常寫給婚書初玖日周銘常與周銘禮雇轎至馬

氏家向告情由勸令改嫁馬氏不從哭阻周銘常與周銘禮用
言嚇唬將馬氏強拉入轎擡至宋麻孜家又付身價錢七十千
文餘錢四十千約候遲日找清各散馬氏因懼周銘常兇惡不
敢哭鬧回家即與宋麻孜成親拾壹日周理紀聞知向周銘常
索分身價周銘常不允周理紀不依斥罵周銘常生氣順拾地
上樹枝連毆傷其右血盆戳傷胸膛周理紀舉拳撲毆周銘常
又用樹枝毆傷其偏左額顱帶傷左顙頰周理紀逃跑聲言糾
人報復周銘常追趕周理紀晝水過河陷入深處經人撈救業
已被淹殞命報驗獲犯審供不諱查周銘常搶賣無服族姪孫
之妻馬氏已成罪應擬絞其追毆無服族姪孫周理紀致令被
溺身死同凡人論亦罪應擬絞二罪相等應從一科斷除周銘
禮緝獲另結馬氏斷歸後夫完聚外周銘常合依貪圖聘禮用
強搶賣疏遠無服卑幼者絞例擬絞監候秋後處決等因具題
奉

旨周銘常依擬應絞著監候秋後處決餘依議欽此

光緒肆年秋審圖財強賣孀婦致被姦污復追毆淹斃索分身
價之人周銘常應情實

誘拐幼孩 廣東潮陽縣案

一起蔡沽利畧誘吳媽應圖賣一案將蔡沽利依例擬絞等因具題奉

旨三法司核擬具奏欽此該臣等會看得蔡沽利先未為匪與六歲

幼孩吳媽應素識光緒元年十月初三日蔡沽利與素識之陳

逢源各處尋工瞥見吳媽應獨自在街頭要蔡沽利起意商允

陳逢源幫同誘拐賣銀分用向吳媽應哄稱同往街口買餅給

食吳媽應信真隨往蔡沽利將吳媽應帶至陳逢源寮內住宿

吳媽應哭喊欲歸蔡沽利嚇禁聲張與陳逢源留心尋覓買主

旋被訪聞拏獲審供不諱除陳逢源緝獲另結吳媽應給親完聚外蔡沽利合依誘拐子女不分已賣未賣但誘取者被誘之人若不知情爲首絞例擬絞監候秋後處決等因具題奉

旨蔡沽利依擬應絞著監候秋後處決餘依議欽此

光緒肆年秋審誘拐幼孩被誘之人業已給親完聚蔡沽利應緩決

誘拐幼孩 直隸甯晉縣案

一起李會畧誘王保已成一案將李會依例擬絞等因具題奉

旨三法司核擬具奏欽此該_臣等會看得李會先未爲匪與年拾貳

歲之王保素不認識光緒貳年閏伍月間王保之祖王大攜王保外出覓工初玖日行抵該處值集期人多擁擠彼此相失王保查找王大無跡躡歇路旁發愁適李會路過瞥見查問王保告知情由李會起意拐賣捏稱王大與伊交好令王保隨伊赴店住宿明日幫同找尋王保信以爲真跟隨李會至馮九客店投宿李會捏稱王保係伊胞弟經馮九聽出貳人口音不合向

李會盤出實情拴獲送縣審供不諱除王保俟查傳親屬給令完聚外李會合依誘拐子女被誘之人若不知情爲首絞例擬絞監候秋後處決等因具題奉

旨李會依擬應絞著監候秋後處決餘依議欽此

光緒肆年秋審誘拐幼孩尙無毆逼重情被誘之人業已到案李會應緩決

誘拐幼孩已成尙未賣出雖親屬未經到案領回完聚與被誘之人無下落者不同自可原緩記候

核 照緩

誘拐幼女 江蘇長洲縣案

一起談招生畧賣俞阿巧已成一案將談招生依例擬絞等因具題奉

旨三法司核擬具奏欽此該 臣 等會看得談招生先未爲匪與年甫

玖齡幼女俞阿巧素不相識光緒叁年俞阿巧因迷路啼哭談招生經過看見詢知姓名年歲起意誘賣誑稱送令回家將俞阿巧領走向素識之戴少卿告知實情託令覓主價賣戴少卿憶及鄭阿泐欲爲姪買媳會央燕雲卿爲媒往託燕雲卿轉向媒說邀同將俞阿巧看明議定財禮談招生捏稱係伊堂妹因

旨談招生依擬應絞著監候秋後處決餘依議欽此

貧願賣鄭阿湖令談招生帶俞阿巧隨同下船送至長興取錢
俞阿巧在途啼哭鄭阿湖盤詰談招生告知誘賣情由船抵長
興鄭阿湖付給身價洋銀肆拾圓談招生回蘇與戴少卿分用
鄭阿湖將俞阿巧轉賣與不知情之潘姓為女得受身價洋銀
伍拾圓旋經訪報獲犯審供不諱除戴少卿依為從例擬流燕
澧卿擬杖俞阿巧給親完聚鄭阿湖病故失察地保等傳責外
談招生合依誘拐子女被誘之人不知情為首絞例擬絞監候
秋後處決等因具題奉旨欽此

光緒伍年秋審誘拐幼女被誘之人業已給親完聚談招生應
緩決

誘拐幼女被誘之人業已給親完聚並無姦污及
逼令為娼情事自應照向辦章程入緩記核 照
緩

刑部
天
圖
書

雇工姦拐家長長期親姪女致令自盡

江西南昌縣案

一起胡後亭與家長長期親姪女劉凡姑通姦一案將胡後亭依律擬絞等因具題奉

旨三法司核擬具奏欽此該

臣

等會看得胡後亭受雇劉凡姑胞叔

職員劉天驥家傭工素有主僕名分劉凡姑見面不避同治玖

年拾壹月不記日期劉天驥夫婦外出胡後亭乘間與劉凡姑

通姦後非壹次並未給過錢物劉天驥夫婦均不知情嗣因胡

後亭作事懶惰將其辭出胡後亭戀姦情熱起意誘拐劉凡姑

同逃憶及素識之劉氏常在劉天驥家行走向告前情許給酬

次獻罪戾

姦盜搶竊門成案

三月受亭

謝央允通知劉凡姑約期夜間同逃胡後亭至期潛往將劉凡姑接至劉氏家住宿謝給劉氏錢貳千文胡後亭與劉凡姑裝作夫婦一同逃避嗣劉天驥邀同族人劉敬宗將胡後亭等尋獲雇坐船隻送縣劉凡姑畏罪乘劉天驥等睡熟吞服洋藥毒發殞命報驗審供不諱除劉氏依和誘爲從例擬徒援免劉凡姑畏罪自盡外胡後亭合依雇工姦家長期親者絞律擬絞監候秋後處決事犯在

恩詔

以前係雇工姦家長期親不准援減援免等因具題奉

旨胡後亭依擬應絞著監候秋後處決餘依議欽此

光緒肆年秋審姦通非關內亂釀命出於不虞胡後亭應緩決謹按此起雇工姦拐家長期親致令自盡名分攸關難以死非意料爲解是以改實

長隨與家長弟妻通姦同逃

江蘇甘泉縣案

一起張洪與家長弟妻左氏通姦一案將張洪依律擬絞等因具
題奉

旨三法司核擬具奏欽此該

臣

等會看得張洪係左氏夫兄方遠謨

跟丁素有主僕名分左氏見面不避同治伍年正月初貳日張
洪乘間向左氏調戲成姦以後遇便續姦方遠謨及左氏之夫
捐職從九品方遠猷均不知情嗣左氏慮恐敗露密向張洪商
允同逃捏稱夫婦各處賃房居住左氏逃後方遠猷至妻母李
氏並左氏姨夫紀利棠家查尋不見李氏等同至方遠猷家追

詢無著李氏等誤聞左氏被方遠猷害死方遠猷亦疑李氏等
串匿陷害控縣提訊差緝無獲兩造疊次互控將方遠猷捐職
革訊取結尋找旋經緝獲審供不諱除左氏依婦女減等律於
絞罪上減等擬流援免交本夫領回聽其去留外張洪合依雇
工人姦家長期親之妻絞律擬絞監候秋後處決恭逢

恩詔係雇工人姦家長期親之妻名分攸關不准援免等因具題奉
旨張洪依擬應絞著監候秋後處決餘依議欽此

光緒肆年秋審通姦同逃固係家長期親之妻名分攸關惟尙
非設計勾誘恭逢

恩詔題明不准援免張洪應否酌入緩決聽候法司核辦



強奪良婦嚇逼與子成姦

山西忻州案

一起盧三疤仔強搶劉氏配與伊子爲妻一案將盧三疤仔依律擬絞等因具題奉

旨三法司核擬具奏欽此該

臣

等會看得盧三疤仔與劉氏鄰村居

住盧三疤仔平日兇橫劉氏之夫在外貿易同治拾年正月間

盧三疤仔因伊子盧皿子尙未定親見劉氏年輕起意搶給盧

皿子爲妻免花財禮貳拾陸日夜盧三疤仔探知劉氏之翁顧

大盛外出向盧皿子告知前情並令同往幫搶盧皿子允從牽

馬壹匹偕至劉氏家門首時劉氏因顧大盛未回將門虛掩等

待盧三疤仔等推門進院劉氏出向查問盧三疤仔乘其不防
用身帶包袱將劉氏頭面裹住喝令盧皿子抱出馱在馬上拉
走劉氏喊嚷經鄰婦盧氏趨出喊追盧三疤仔用言嚇禁盧氏
不敢追趕盧三疤仔將劉氏拉回家內令與盧皿子成婚劉氏
不允盧三疤仔嚇稱如不聽從定欲將其致死劉氏不敢抗拒
卽被盧皿子姦污嗣顧大盛回歸查知往向盧三疤仔不依盧
三疤仔欲行捆毆並用言嚇唬顧大盛畏兇隱忍走回經廳訪
聞差緝獲犯審供不諱除盧皿子依強奪良家妻女姦占爲從
例擬流不准援減劉氏給屬領回完聚外盧三疤仔合依強奪
良家妻女姦占爲妻者絞配與子者罪亦如之律擬絞監候秋
後處決事犯在

恩旨以前係強搶良家婦女不准援減等因具題奉

旨盧三疤仔依擬應絞著監候秋後處決餘依議欽此

同治拾叁年秋審強奪良婦嚇逼與子成姦藐法難寬盧三疤
仔應情實

聚眾夥謀入室搶奪婦女已成

江蘇吳江縣案

一起吳毛二吳毛四聽從陳夢洸夥眾搶奪陸氏已成一案將陳夢洸依例擬斬立決吳毛二吳毛四均擬絞監候等因具題奉

旨三法司核擬具奏欽此該_臣等會看得吳毛二並堂弟吳毛四暨

陳夢洸與陸氏均素無瓜葛光緒貳年貳月貳拾叁日吳毛二等會遇素識之王汰湯法淋各道貧難陳夢洸述及路遇年輕婦人探係陸氏丈夫外出住址偏僻起意糾允吳毛二等將陸氏搶賣是夜陳夢洸與吳毛二等共夥伍人駕坐王汰船隻駛抵陸氏門首留吳毛四湯法淋在船陳夢洸用鐵鑿撬門與吳

毛二王汰進內吳毛二幫同陳夢洸將陸氏用被裹住搶出王汰將陸氏幼女一同抱走上船駛逃陸氏哭喊陳夢洸嚇禁聲張搶至吳毛二家將陸氏同幼女暫閉空房旋又帶至遠處吳毛二吳毛四湯法淋將陸氏捏係湯法淋孀妹因貧難守倩王安心媒說嫁賣與陳倡沈為妻得受身價洋銀壹百肆拾圓俵分各散經陳倡沈向陸氏盤出實情報案獲犯審供不諱除夥搶婦女為從罪應擬絞之王汰湯法淋緝獲另結陸氏給親完聚外陳夢洸合依聚眾夥謀於素無瓜葛之家入室搶奪婦女已成爲首者斬例擬斬立決吳毛二吳毛四均合依爲從絞例各擬絞監候秋後處決等因具題奉

旨陳夢洸著卽處斬吳毛二吳毛四俱依擬應絞著監候秋後處決餘依議欽此

光緒肆年秋審除首犯陳夢洸先行正法從犯吳毛二另擬情實外聽糾夥搶婦女已成該犯在船照着吳毛四應緩決

查夥眾搶奪婦女已成爲從之犯或幫同架拉或將被搶之人領賣尙無下落者俱入情實其無前項情事擬入緩決此起該犯吳毛二於首犯撬門

進內將陸氏用被裹住卽入室幫同搶出復將陸

氏關閉空房並領出嫁賣與人為妻情殊兇暴應
實該犯吳毛四聽從夥眾夤夜搶奪婦女情節不
輕惟該犯於首犯入室搶奪之時僅止在船照看
尙無入室架拉及姦污重情且被奪之人業經給
親完聚似不無一線可原記緩候核 照擬吳毛

二人實
四入緩

聽從夥搶婦女已成並未入室架拉

江蘇桃源縣案

一起劉汶淋聽從夥搶唐氏已成一案將劉汶淋依例擬絞等因
具題奉

旨三法司核擬具奏欽此該

臣

等會看得劉汶淋先未為匪與唐氏

素無瓜葛有劉汶淋素識之徐谷贊媒說唐氏與牛指南為妻
允送謝媒錢文屢索未給光緒叁年叁月初四日徐谷贊會遇
劉汶淋談及前情心懷不甘起意糾搶唐氏賣錢分用劉汶淋
允從徐谷贊又糾徐小咬徐憬誌並不知姓名壹人入夥是夜
共夥伍人徒手偕抵牛指南門首徐谷贊劉汶淋在外瞭望徐

小咬等推門進內牛指南攔阻徐小咬等用繩將牛指南捆縛唐氏出喊徐谷贊將唐氏拉走劉坎淋隨行徐小咬等順便攫得衣物先後至徐谷贊家互相告知情形徐谷贊旋將唐氏賣與過路不知姓名人爲妻得受身價洋銀拾捌圓俵分各逃報案獲犯審供不諱牛指南經鄰人解放後舉發嘔血舊疾增劇越拾壹日病故除聚眾夥搶婦女爲首罪應斬決之徐谷贊爲從罪應擬絞之徐小咬徐憬誌及不知姓名人緝獲另結外查劉坎淋聽從徐谷贊夥搶唐氏已成內夥犯徐小咬等入室將事主牛指南捆縛搶得衣物訊係順便攫取初非預謀爲盜與

強盜得財不同其致牛指南越日身死據屍親人等結稱實係病故亦與拒捕殺人有異且劉坎淋並未幫同下手分贓應仍按本例分別問擬劉坎淋合依聚眾夥謀於素無瓜葛之家搶奪婦女已成爲從絞例擬絞監候秋後處決等因具題奉

旨劉坎淋依擬應絞著監候秋後處決餘依議欽此

光緒伍年秋審聽從夥搶婦女已成尙未入室架拉劉坎淋應緩決

聽從搶奪婦女瞭望隨行並無入室幫同架拉及

事後姦污情事惟被搶之人尙無下落事主被捆

事後病故情節不好入緩未見平允 照緩

聽從夥搶婦女已成並未入室架拉

江蘇銅縣案

一起李鈺城聽從夥搶唐氏已成一案將李鈺城依例擬絞等因具題奉

旨三法司核擬具奏欽此該

臣

等會看得李鈺城先未爲匪與同姓

不宗李丙桂之妻唐氏素無瓜葛光緒貳年叁月貳拾肆日李鈺城與李汰然羅運隨遇道貧難李汰然稔知唐氏年輕起意糾允李鈺城等夥搶賣錢分用並邀張潰李二能仔魏澱友入夥是夜同夥陸人分攜刀棍徒手不等偕抵李丙桂門首李汰然留李鈺城與張潰在外把風自與羅運隨李二能仔魏澱友



砸門入室李丙桂驚起喝問李汰然用刀砍傷李丙桂頭顱唐
 氏喊救被李汰然砍傷左臂膊一同將唐氏搶奪出門架至李
 二能仔家暫住李汰然嚇禁唐氏不許說出實情令李鈺城與
 張潰將唐氏帶至素識之許瀟苞家捏稱親戚因貧願嫁許瀟
 苞媒說賣與董士唐為妻得受身價錢拾千文俵分各散董士
 唐查見唐氏傷痕詢悉情由未敢成婚送交李丙桂收領稟勘
 獲犯審供不諱除聚眾夥搶婦女已成爲首罪應擬斬之李汰
 然爲從罪應擬絞之羅運隨張潰李二能仔魏澱友均緝獲另
 結許瀟苞擬杖唐氏給夫領回完聚外李鈺城合依聚眾夥謀
 於素無瓜葛之家入室搶奪婦女已成爲從絞例擬絞監候秋
 後處決等因具題奉

旨李鈺城依擬應絞著監候秋後處決餘依議欽此

光緒伍年秋審聽糾夥搶婦女已成尙未入室架拉李鈺城應
 緩決

夥眾搶賣婦女已成並無入室幫同架拉及事後
 姦污情事被搶之人業已給親完聚自應入緩記
 候核 照緩



聽從夥搶路行婦女雖未動手而被搶數 福建南安縣案
 在三人以上
 一起黃四聽從搶奪路行婦女王春妹等已成一案將黃四依例
 擬絞等因具題奉

旨三法司核擬具奏欽此該臣等會看得黃四並黃省黃池黃花均
 先未為匪同治元年閏捌月拾柒日有曹毛招帶同童養妻王
 春妹并王春妹之嫂曹氏叔王阿三弟王和尚出外回籍與黃
 老三黃妹黃好同店住宿彼此問知姓名次早曹毛招等由店
 起身路遇不識姓之狗仔販帶男孩壹口並幼女王蘭妹止王

三奶一同行走王阿三狗仔押擔先行王春妹等落後黃老三

黃妹黃好從後趕上將曹氏並狗仔所帶之男孩搶去曹毛招趕往追捕王春妹等在路坐哭黃省路過瞥見問知情由起意將王春妹等搶賣邀允黃四並黃池黃花相幫一共肆人徒手趕至西陽嶺見王春妹等在該處行走黃省喊同黃池將王春妹王和尚拉搶先跑黃花拉住王蘭妹止王三奶跑走黃四並未動手一同行走正欲投店住宿王春妹等喊救經曹毛招尋見邀人將黃省等拏獲審供不諱除聚眾搶奪路行婦女已成爲首罪應斬決之黃省爲從罪應絞候之黃池黃花均病故黃老三等緝獲另結王春妹等給屬領回外黃四合依聚眾搶奪路行婦女已成爲從絞例擬絞監候秋後處決等因具題奉旨黃四依擬應絞著監候秋後處決餘依議欽此

同治玖年秋審聽糾夥搶婦女並未動手黃四應緩決

聽從搶奪路行婦女雖無動手幫搶及事後姦污情事所搶之人亦均給親完聚惟被搶婦女數在三人以上似難擬緩記候核 改實

三人以上強盜者斬

強盜未得財者杖一百

強盜已得財者杖一百

強盜已得財者杖一百

強盜已得財者杖一百

強盜已得財者杖一百

夥眾搶奪婦女拒捕殺人 河南登封縣案

一起劉扭等結夥強搶孫氏已成拒傷捕人于發會身死劉謙得聽從幫毆成傷一案將劉扭依例擬以斬梟劉謙得擬絞監候等因具題奉

旨三法司核擬具奏欽此該_臣等會看得劉謙得卽劉汶並弟劉扭

與于發會素無瓜葛同治拾壹年叁月拾柒日劉謙得劉扭並族人劉檢範見汝州人于發會領甥女孫氏赴偃師縣就醫行抵該處在伊戚劉慎城家住宿劉檢範疑係拐帶起意糾允劉扭等搶賣得錢分用是夜各帶器械一共叁人偕抵劉慎城門

首叫門進院將孫氏強搶出門于發會出向攔阻劉扭喝令拒捕劉謙得將于發會推跌倒地用鋸頭連毆傷其右膝連右臙肘擦傷右手腕劉檢範用鐵軸毆傷其右臂膊劉扭用破鐵箱尖戳傷其右乳透內一齊逃走將孫氏輪流背至族人劉汶學家告知情由並許尋主賣錢分用劉汶學貪利允從將孫氏關入空屋各散嗣劉謙得與劉扭因見孫氏少艾各向強逼姦污壹次于發會至貳拾肆日殞命劉汶學畏罪將孫氏放回報驗獲犯審供不諱查劉檢範糾同劉扭等搶奪孫氏已成應以劉檢範爲首于發會係孫氏母舅卽有應捕之責劉扭等將其拒傷身死于發會身受各傷惟後被劉扭戳傷右乳爲重應以劉世擬抵劉謙得聽糾搶奪孫氏幫毆成傷事後復強逼姦污按搶奪婦女爲從拒捕幫毆成傷及強姦已成均罪應擬絞應從一科斷除起意糾搶婦女拒捕殺人罪應擬斬之劉檢範病故劉汶學照窩主知情擬流留養外劉扭合依夥眾搶奪婦女拒捕下手殺人之犯斬決梟示例擬斬立決梟示劉謙得卽劉汶合依拒捕幫毆成傷從犯不論手足他物金刃絞例擬絞監候秋後處決等因具題奉

旨劉扭著卽處斬梟示劉謙得卽劉汶依擬應絞著監候秋後處決

餘依議欽此

同治拾叁年秋審除劉扭正法外夥搶婦女拒捕殺人該犯為從幫毆成傷事後又向本婦強逼姦污劉謙得卽劉汝應情實

聚眾搶奪婦女未成 江蘇通州案

一起趙灤漚糾搶秦氏未成一案將趙灤漚依例擬絞等因具題奉

旨三法司核擬具奏欽此該 臣 等會看得趙灤漚先未為匪秦氏係

趙灤漚分居族弟之妻夫故孀守趙灤漚起意搶奪為妻秦氏之姑聞知將秦氏送至外姻李法錦家暫避光緒叁年貳月初伍日趙灤漚探知糾允素好之單門四並周萇許三許汰陶汰相幫一共六人分持器械偕至李法錦門首李法錦喝阻關門趙灤漚等推斷門門正欲進內強搶工人王鈺沅攔阻攜鎗點



放不期火鎗炸裂自行轟傷胸膛右乳等處倒地趙灤漚等畏懼逃逸王鈐沅移時殞命報驗獲犯審供不諱查秦氏係趙灤漚無服族弟之妻趙灤漚夥搶未成應以搶奪凡人婦女未成論其致工人王鈐沅放鎗炸裂自行轟傷身死與拒捕殺人不同應仍按本例問擬除單門四依夥搶婦女未成爲從例擬軍周萇等緝獲另結外趙灤漚合依聚眾夥謀搶奪婦女未將婦女搶獲首犯絞例擬絞監候秋後處決等因具題奉

旨趙灤漚依擬應絞著監候秋後處決餘依議欽此

光緒伍年秋審聚眾夥搶婦女未成趙灤漚應緩決

糾眾搶奪婦女未成致工人放鎗自行轟傷身死

雖與拒捕殺人不同究由該犯搶奪所致似難率

緩記候核 改實





川匪攔搶計贓逾貫 四川彭縣案

一起張汶頂攔搶孫萬惘等銀兩逾貫一案將張汶頂依例擬絞等因具題奉

旨三法司核擬具奏欽此該 臣 等會看得張汶頂素不務正同治拾

貳年玖月拾捌日張汶頂與素識之王潮楹王奠馮宗泗白玉

閏王新閏王和尚並王籠受岳二娃遇道貧難張汶頂起意糾

允王潮楹等在野攔搶得贓分用同夥攻人徒手偕至僻處等

候適孫萬惘與子孫大受雇挑運興文縣楊天申鹽店銀兩赴

犍廠配鹽走至該處張汶頂等瞥見趕攔搶奪孫萬惘等畏懼

棄擔逃避張汶頂王籠受各攜銀壹匣約同王潮楹等至僻處
俵分逃逸旋經事主投團拏獲報勘審供不諱此案計贓伍百
兩訊係張汶頂起意爲首除王潮楹等病故王籠受等緝獲另
結犯兄應免傳責外張汶頂合依川省匪徒在野攔搶未經傷
人爲首贓至一百二十兩以上絞例擬絞監候秋後處決事犯
在

恩旨

恩詔以前係川匪攔搶計贓逾貫不准援減援免等因具題奉

旨張汶頂依擬應絞著監候秋後處決餘依議欽此

光緒貳年秋審川匪聚眾攔搶爲首贓逾滿貫張汶頂遵入情
實

查條欵內開搶奪滿貫者酌入緩決此起搶奪計
贓擬絞並無積慣兇惡情狀核與酌緩條欵相符
未便因係川匪另行加重似應歸入彙奏擬以緩
決謹記候核 改緩歸彙奏



迭次聽糾夥眾持械訛搶得贓

江蘇邳州案

起翟三聽從糾夥伍人以上訛搶湯懷球等家銀物一案將翟

三依例擬絞等因具題奉

旨二法司核擬具奏欽此該_臣等會看得翟三先未為匪翟三與高

繼倡張臧因貧先後投入馮茂功捻內咸豐貳年陸月間馮茂

功探知湯懷球家道殷實起意訛搶帶同翟三高繼倡張臧並

張保按王小高八及翟三禿仔孫產孟旺王歡李留城朱路章

一共拾叁人各持器械偕抵湯懷球家先向訛錢湯懷球不允

馮茂功等進屋搶得錢物驢隻馱運僻處查點俵分柒月拾貳

日馮茂功復起意訛搶帶同翟三高繼涓張臧張保按王小高八翟三禿仔孟旺朱路章並添邀翟騷高丁良張年白時來孫有得及不識姓名一人一共拾陸人各持鎗械至胡孟會家訛錢聲言如不送給定行開鎗轟擊胡孟會畏懼給銀壹百兩錢伍千文又至胡成家嚇訛得錢捌拾柒千均分花用拾叁日馮茂功又帶原夥拾陸人各攜器械乘坐船隻至馮瑞東家訛錢馮瑞東不允馮茂功等進屋搶得銀錢衣物搬運下船撐至僻處查點俵分各散報州會營勘緝吏目陳幹帶役前往捕拏馮茂功等開鎗拒捕陳幹飭役抵禦張保按王小高八當被格斃

翟三等亦被拏獲審供不諱將翟三比照山東省匪徒結搶訛索爲從例擬遣等因咨部經刑部以引斷未協駁令另行妥擬旋據該署撫將翟三改照山東省匪徒持械搶奪爲從例擬遣咨部復經刑部查翟三係徐州府屬匪徒聽從聚眾持械搜劫核與拽刀手等項匪類同一爲害閭閻該署撫舍本省專條本例於不問牽引他省之例曲爲比附辦理仍未允協駁令再行妥擬去後茲據該署撫遵駁改擬具題除糾夥搶劫爲首罪應斬決之馮茂功並翟三禿仔等緝獲另結爲從罪應絞候之高繼涓張臧病故張保按王小高八均被格斃外翟三合依徐州

府拽刀手等名目在場市人煙湊集之所橫行搶劫糾夥伍人
以上爲從同搶絞例擬絞監候秋後處決事犯雖在疊次
恩旨以前係比照拽刀手名目搶劫爲從不准減免等因具題奉
旨翟三依擬應絞著監候秋後處決餘依議欽此

同治拾叁年秋審聽從結捻迭次持械訛搶法難寬貸翟三應
情實

糾搶拒捕刃傷事主平復 熱河案

一起高致搶奪刃傷事主李幅印平復一案緣高致籍隸山東來
至熱河先未爲匪光緒元年十月十八日高致與素識之王平
遇道貧難高致起意商允王平搶奪得贓分用是日高致攜帶
腰刀王平拾取樹枝同夥二人偕至僻處等候適李幅印驢馱
錢物走至高致等瞥見一齊上前搶得驢頭錢物拉跑李幅印
追捕高致轉身用刀砍傷李幅印顙門右手腕王平趕攏用樹
枝將李幅印亂毆倒地高致等攜贓逃逸報驗獲犯審供不諱
李幅印傷經平復除王平病故外高致合依搶奪傷人未死如

乃傷者斬例擬斬監候秋後處決等因具題奉

旨高致依擬應斬著監候秋後處決餘依議欽此

光緒肆年秋審搶奪及傷事主尙無倚眾兇暴情事高致應緩
決續據咨請改入情實

糾竊計贓逾貫 直隸武邑縣案

一起高二錫乎糾竊蘇經邦銀錢計贓逾貫一案將高二錫乎依
律擬絞等因具題奉

旨三法司核擬具奏欽此該_臣等會看得高二錫乎先未為匪光緒

貳年柒月初叁日高二錫乎與素識之馮得薜並趙中維王白

遇道貧難高二錫乎起意糾允馮得薜等行竊趙中維轉邀不

識姓名二人入夥是夜同夥陸人王白攜帶搖山動餘俱徒手

偕至蘇經邦錢舖門首王白用搖山動空窟與高二錫乎趙中

維進內馮得薜等在外等候接贓高二錫乎等竊得銀錢遞交

馮得蕤等接收攜至漫地查點俵分各散報勘獲犯審供不諱此案計贓壹百柒拾玖兩訊係高二錫乎起意為首自應按律問擬除馮得蕤依行竊為從律擬流趙中維等緝獲另結外高二錫乎合依竊盜贓一百二十兩以上絞律擬絞監候秋後處決等因具題奉 旨依議欽此

旨高二錫乎依擬應絞著監候秋後處決餘依議欽此

光緒肆年秋審糾竊得贓未至五百兩高二錫乎應緩決

糾竊計贓逾貫夥賊臨時行強 直隸案

一起胡老糾竊張允焯家銀兩計贓逾貫並曹七等臨時行強一案將曹七依律擬斬立決胡老擬絞監候並聲明胡老親老丁單等因具題奉

旨三法司核擬具奏欽此該 臣等會看得胡老並曹七均先未為匪

同治肆年拾月貳拾捌日胡老與曹七並楊克巴曹二宋玉山孫二汪七胡億張二王老遇道貧難胡老稔知張允焯家道寬裕起意邀允曹七等行竊是夜同夥拾人持械徒手不等偕至張允焯家門外胡老與汪七胡億張二王老在外等候接贓楊

克巴監桿同曹七等緣桿上房下院撥門入室正撬箱櫃行竊張允焯驚覺起捕曹七與楊克巴用言嚇禁曹二宋玉山孫二隨同嚇唬張允焯未敢聲張曹七等劫得衣物開門走出與胡老等分手攜至僻處查點俵分曹七等未將行強情由向胡老告知各散報勘獲犯審供不諱此案計贓壹百陸拾玖兩零訊係胡老起意爲首其於曹七等臨時行強並不知情應各按本律問擬除共謀爲竊臨時行強不分首從罪應斬決之楊克巴曹二宋玉山孫二並胡僖等緝獲另結汪七依竊盜爲從律擬流外曹七合依共謀爲竊臨時行強不分首從斬律擬斬立決胡老合依竊盜贓壹百貳拾兩以上絞律擬絞監候秋後處決據供母老丁單是否屬實應俟秋審時照例查明取結送部核辦等因具題奉

旨曹七著卽處斬胡老依擬應絞著監候秋後處決餘依議欽此

同治玖年秋審除曹七正法外竊贓未至五百兩並未知夥賊強情胡老應緩決再該犯到案時據供母老丁單現據該縣查明該犯之母徐氏現年實係捌拾叁歲僅生胡老壹子別無次丁取有地鄰族長人等供結合與留養之例相符除將供結咨部核辦外合併陳明

獲贓未至五百兩例應入緩至夥賊臨時行強該
犯訊係在外並不知情可不以之加重據供母老
丁單其應否留養之處應俟年例減等時再行查
辦 照緩不准留養

糾竊計贓逾貫夥賊臨時盜所拒殺事主

江蘇泰興縣案

一起蔡大塊糾竊事主應氏銀物計贓逾貫並邵俊臨時盜所拒
傷應氏身死一案將邵俊依例擬斬立決蔡大塊依律擬絞監
候等因具題奉

旨三法司核擬具奏欽此該

臣

等會看得蔡大塊並邵俊均先未為

匪與應氏素無讎隙同治伍年玖月貳拾陸日蔡大塊與邵俊
遇道貧難蔡大塊稔知應氏家道殷實起意糾允邵俊行竊是
夜蔡大塊攜帶尖刀邵俊徒手偕抵應氏門首撬開大門蔡大
塊將刀遞給邵俊自在門外接贓邵俊進內用刀撥門入室竊

得銀洋衣服遞交蔡大塊接收先行邵俊進內復竊應氏驚覺披衣下床扭住邵俊衣襟喊捕邵俊掙不脫身用刀戮傷應氏右胯應氏奪刀致被劃傷左手大指肚應氏仍不放手邵俊情急用刀戮傷其咽喉倒地登時殞命邵俊隨拏衣包走出追及蔡大塊告知拒捕情由同至僻處點賊俵分被張王氏王王氏看見盤出實情蔡大塊等分給張王氏等銀物囑勿聲張各散報驗獲犯審供不諱此案計贓壹百伍拾陸兩零訊係蔡大塊起意爲首邵俊臨時盜所拒傷應氏身死蔡大塊並未在場應各按本律問擬除張王氏等擬杖收贖外邵俊合依竊盜臨時盜所拒捕殺人斬例擬斬立決蔡大塊合依竊盜贓壹百貳拾兩以上絞律擬絞監候秋後處決等因具題奉

旨邵俊著卽處斬蔡大塊依擬應絞著監候秋後處決餘依議欽此同治玖年秋審除邵俊正法外鼠竊得贓未至五百兩蔡大塊應緩決

竊賊未至五百兩按向辦章程應入緩決至夥賊拒殺事主該犯並未在場可不以之加重記緩候

核 照緩

船戶盜賣漕糧 山東案

一起船戶顧祿發盜賣漕糧陸百石以上一案將顧祿發照奏定章程擬斬等因具奏奉

旨孫禧吳恩榮均著交部議敘餘著刑部議奏欽此該 臣 等議得顧祿發籍隸江蘇向在沈元茂商船充當舵工先未爲匪同治六年四月間顧祿發在上海米局承領吳江縣白糧正耗等米壹千叁百捌石貳斗貳升陸勺並叁連票單運津交卸未出口之先顧祿發因有急用假裝米商私將漕米肆百伍拾肆石伍斗壹升叁合陸勺賣與不識姓名人得錢花用贖米捌百伍拾叁

石柴斗柴合隨邀允凌光照在船照料並雇水手姚永昇施老
度宋大奎王淮受張得堂范順發張受春王幅受施其升沈富
春仇老開楊老裕陸晉升王永春及顧碌發之父顧錫榮拾伍
人駕駛船隻由上海茶山口放洋船上事務均由顧碌發作主
陸月初壹日船至烟臺時值南搶東竄米價昂貴顧碌發起意
盜賣漕米圖利將船上旗號收藏捏稱由南路販運大米進口
售賣先後盜賣漕米壹百陸拾貳石與義生等舖又託素識之
劉老三楊虎說合盜賣與洋行米肆百叁拾肆石每米壹石作
價銀貳兩共賣米伍百玖拾陸石核銀壹千壹百玖拾貳兩顧

碌發因借劉老三楊虎銀兩送給劉老三米叁拾百楊虎米貳
拾石作為償欠劉老三等所得之米尙存船上正欲起運卽被
訪拏顧碌發聞知急速開船欲至威海將贖米盡行盜賣再駛
至龍口等處呈報遭風詎出口大霧不辨山島南北飄至榮成
縣石家泊海口搶灘船被風浪擊碎贖米貳百柒石柴斗柴合
連劉老三等存米及票單均漂失無存顧碌發等上岸逃生旋
被拏獲並追出銀壹千兩零審供不諱該撫聲明顧碌發盜賣
漕糧以追獲銀數劃除計虧米在陸拾石以上將顧碌發照偷
盜漕糧入已數在陸拾石以上擬斬監候秋審入於情實等因

具奏經刑部查願祿發承領漕糧運津卽有監守之責輒敢盜賣壹千餘石之多核計已在陸百石以上雖經追獲銀壹千餘兩仍應併計科罪該撫照偷盜漕糧數在六十石以上擬斬監候秋審入於情實係按照舊章辦理應卽更正除凌光照姚永昇等分別擬以杖笞外願祿發應改依船戶監守竊盜漕糧入已數滿六百石斬例擬斬監候仍勒限監追俟限滿完繳若干分別入於秋審情實緩決辦理等因具奏奉

旨依議欽此

同治玖年秋審查該犯原領正耗等米壹千叁百捌石貳斗貳

升陸勺除遭風漂沒賸米貳百柒石柒斗柒合劉老三等存米伍拾石共貳百伍拾柒石柒斗柒合應令著賠免科盜罪外計節次盜賣漕米壹千伍拾石伍斗壹升叁合陸勺查明該犯並無家產在滬無從封變原保稅行前已革退歇業行主物故無從著賠該犯應以同治捌年伍月拾伍奉准部覆之日起扣至玖年正月拾伍日捌個月初貳限已滿屢提比追委係赤貧無力完繳應將該犯彙入秋審辦理所有當時追獲米價銀壹千兩貳錢壹分按該犯盜賣原價以銀貳兩合米壹石作為已完米伍百石壹斗伍合實在未完米伍百伍拾石肆斗捌合陸勺

數在壹百石以上顧碌發應遵照章程入於緩決
奏
照緩歸彙

竊盜臨時盜所拒捕及傷事主平復

直隸祁州案

一起馬新椿行竊臨時盜所拒捕及傷事主邵鳳鳴等平復一案
將馬新椿依例擬斬等因具題奉

旨三法司核擬具奏欽此該

臣

等會看得馬新椿先未爲匪同治元

年閏捌月初貳日馬新椿與牛楚子李由秋帥大雪張唬遇道
貧難帥大雪起意糾允馬新椿等行竊是夜馬新椿等分攜刀
械同夥伍人偕至邵鳳鳴門外張唬越牆進院開啟大門馬新
椿牛楚子進院李由秋帥大雪在外接贓牛楚子在牲口棚內
竊得牛隻馬新椿撥開北屋門與張唬走入裏間竊得衣飾等

物均交李由秋等接收進屋復竊邵鳳鳴驚覺起捕李由秋卽大雪攜賊先遁張唬逃跑邵鳳鳴將馬新椿揪住馬新椿情急用刀扎傷邵鳳鳴左手大指左臙肘邵鳳鳴之妻武氏起身幫捕馬新椿用刀砍傷武氏額顱邵鳳鳴等退避馬新椿出屋時牛楚子已撥落廂房門入內竊得衣飾等物經邵鳳鳴之母商氏喊嚷牛楚子持械嚇禁聲張攜賊同馬新椿逸出村外趕上李由秋等告知拒捕情由李由秋恐事主追捕將牛撩棄一同逃至漫地點賊俵分各散報驗獲犯審供不諱查馬新椿聽從行竊臨時盜所拒捕刀傷事主邵鳳鳴武氏傷各平復均罪應擬斬應從一科斷除牛楚子依竊盜拒捕未傷例擬軍李由秋依竊盜糾夥叁人以上持械爲從例擬徒卽大雪病故張唬緝獲另結外馬新椿合依竊盜臨時盜所拒捕傷人未死如刃傷者首犯斬例擬斬監候秋後處決等因具題奉

旨馬新椿依擬應斬著監候秋後處決餘依議欽此

同治玖年秋審竊匪盜所拒捕刃傷事主夫妻二人情殊兇惡馬新椿應情實

竊盜臨時盜所拒捕金刃砍扎事主夫妻二人成

傷情殊兇暴雖無護賊護夥情事究難不實記候

三左腿肚王三喊嚷仍不鬆手趙三畏懼不敢再扎經王三之兄王潤月並鄰人趕至幫同將趙三捉獲報驗審供不諱王三傷經平復除李四緝獲另結外趙三合依竊盜未得財逃走被事主追逐拒捕傷人未死如刃傷者首犯絞例擬絞監候秋後處決等因具題奉

旨趙三依擬應絞著監候秋後處決餘依議欽此

同治玖年秋審竊賊圖脫拒捕刃扎僅止貳傷趙三應緩決

竊盜拒捕刃扎事主在三傷以下者如無兇惡情節秋審向俱入緩此起行竊尚未得財拒捕刃扎

事主二傷係由捉住不放情急圖脫所致並無護賊護夥格鬪重情至另劃三傷向不併計核算尙有一綫可原記緩候核 照緩





竊盜夥賊攜贓先遁後逃

之賊被追拒捕
刃傷事主平復

山東諸城縣案

一起誠森行竊拒捕刃傷事主張希戴平復一案將誠森依例擬絞等因具題奉

旨三法司核擬具奏欽此該_臣等會看得誠森先未為匪同治陸年

玖月初壹日夜誠森因貧起意糾九惠小桂劉河行竊誠森攜

帶刀杆餘俱徒手同夥叁人偕抵事主張毓冥團練局牆外惠

小桂劉河在外接贓誠森跳杆進院入室竊得銀錢布物開啟

大門遞交惠小桂等分攜先逃誠森落後張毓冥族兄張希戴

驚覺起捕追出門外向誠森捉拏誠森圖脫情急用刀扎傷張

希戴左顙頰帶劃傷左耳輪張希戴奪刀誠森又用刀扎傷張希戴右血盆帶劃傷人中左手大指經張希戴之兄張希純並巡緝兵丁將誠森拏獲報縣勘驗審供不諱張希戴傷經平復查誠森行竊張毓冥團練局內銀物被追拒捕刃傷張希戴平復張希戴在局住宿卽與事主無異自應按例問擬除惠小柱等緝獲另結外誠森合依竊盜夥賊攜贓先遁後逃之賊被追拒捕傷人未死如刃傷者首犯絞例擬絞監後秋後處決等因具題奉

旨誠森依擬應絞著監候秋後處決餘依議欽此

同治玖年秋審竊盜圖脫情急扎止貳傷尙無護贓護夥格鬪情事誠森應緩決

竊盜拒捕刃扎事主二傷另劃三傷係由被追圖脫所致惟並未被扭輒用刀將事主連扎成傷情近格鬪雖無護贓護夥情事似未便率行議緩仍記候核 改實



竊盜臨時盜所拒殺事主夥賊幫毆折傷以上直隸樂亭縣案
 一起姚紅頭行竊臨時盜所拒傷事主侯氏身死翟二廝聽從幫
 毆折傷以上一案將姚紅頭依例擬斬立決翟二廝擬絞監候
 等因具題奉

旨三法司核擬具奏欽此該臣等會看得翟二廝並姚紅頭均與侯
 氏素識無嫌同治九年九月間侯氏之夫王汝售賣棉花用車
 載錢壹百千回歸途遇翟二廝問明情由旋各走回十三日姚
 紅頭與翟二廝張白廝魏拴頭遇道貧難翟二廝以途遇王汝
 車載錢文向姚紅頭等告述姚紅頭稔知王汝在窩舖住宿代

次獻輯要 卷五 盜盜搶竊門成案 姚紅頭等

人看墳家僅侯氏一入起意往竊翟二廝等允從是夜同夥四人各持刀械偕至王汝家門首翟二廝與魏拴頭在外接賊姚紅頭與張白廝撥門入室竊得錢物遞交翟二廝等接收姚紅頭等進屋復竊侯氏驚醒起身喊捕張白廝逃避出屋姚紅頭逃走不及被侯氏堵住屋門喊嚷姚紅頭情急喝令動手張白廝用刀扎傷侯氏右耳根侯氏益肆聲喊姚紅頭慮王汝聞聲趨救令張白廝前往堵截姚紅頭鑽身出屋被侯氏揪住衣襟不放姚紅頭用刀扎傷侯氏右胎膊左腿左額角肚腹連小腹翟二廝用鐵叉毆傷其脊背右太陽並右後肋骨損魏拴頭用

木棍毆傷其左右肩甲左胎膊右臀右腳面倒地旋即身死王汝聞喊接應攜禾叉出捕張白廝瞥見奪叉用柄毆傷王汝頂心偏右右顙頰王汝撲毆張白廝掉轉叉頭截傷其右肋王汝奪叉不放張白廝拔刀亂扎傷其頂心顙門右眉劃傷右顙頰項頸倒地當即殞命姚紅頭等踵至點賊俵分各散報驗獲犯翟二廝張白廝魏拴頭分別飭押魏拴頭在押逃脫看役盧順訛無賄縱情弊續獲姚紅頭審供不諱查王汝係張白廝之人拒斃侯氏身受各傷惟後被姚紅頭扎傷小腹爲重係各拒各捕應各以爲首論翟二廝聽從拒傷侯氏右後肋骨損與折傷

無異應照為從問擬除拒捕殺人罪應斬候之張白廝病故盧順擬杖免魏拴頭緝獲另結外姚紅頭合依竊盜臨時盜所拒捕殺人者為首斬例擬斬立決翟二廝合依為從幫毆折傷以上絞例擬絞監候秋後處決事犯在

恩旨

恩詔以前姚紅頭係竊盜拒捕殺人為首翟二廝係為從幫毆折傷以上不准援減援免翟二廝應照奏定章程酌入秋審緩決辦理等因具題奉

旨姚紅頭著即處斬翟二廝依擬應絞著監候酌人秋審緩決餘依

議欽此

光緒二年秋審除姚紅頭正法外翟二廝應緩決

窩主造意盜馬二十匹以上

黑龍江案

起任佶罄糾竊馬二十四匹以上一案緣任佶罄係齊齊哈爾城官屯幼丁先未爲匪光緒三年六月十四日任佶罄因貧起意邀允素識之旗丁崔脖子站丁張保吉偷竊馬匹並稱伊在家等候勿論竊馬多寡伊能詭計售賣崔脖子等騎馬起身轉邀素識之站丁徐濟勒並蒙古安達雅克賚額勒登入夥一共六人各騎馬匹同行十六日夜安達探知旗丁張告攬衆戶馬匹在野牧放引領崔脖子等偕抵該處探聽人俱睡熟安達下馬潛將馬圈穿梁拔開盜出馬羣仍騎馬同崔脖子等趕至任佶

罄屯內藏匿告知竊情點明現存匹數輪流看守尙未售賣報
案獲犯審供不諱此案計大小馬一百一十二匹除沿途倒斃
三十九匹外現存大小馬七十三匹訊係任估罄起意爲首除
崔脖子徐濟勒安達均依爲從例擬流張保吉等緝獲另結外
任估罄合依奉天偷竊馬匹照盜牛治罪盜牛二十隻以上不
計贓數多寡絞例擬絞監候秋後處決等因具題奉
旨任估罄依擬應絞著監候秋後處決餘依議欽此

光緒五年秋審偷竊牧放馬匹任估罄應緩決

查條款內稱盜牛計隻擬絞原較凡盜爲重如秋

審再行情實則較之尋常盜馬匹等項輕重大相
懸遠似應入於緩決等語究竟以若干隻擬實若
干隻擬緩未經確指亦未見盜牛計隻及盜馬計
匹擬緩成案揆諸盜馬牛而賣者若計贓已逾五
百兩難以不實則計隻計匹必無全緩之理此起
實竊得馬七十三匹其沿途倒斃馬三十九匹已
出攔圈應併計以一百一十二匹論爲數較多該
犯係窩主造意情節較重惟究非積慣巨窩尙可
酌緩爲數雖多亦非例實之案條款及成案均鮮

依據未敢擅擬謹記出與該省黨僧一起一併恭候

堂定 照緩

蒙古喇嘛糾竊內地馬二十四匹以上

黑龍江案

起黨僧糾竊內地馬二十四匹以上一案緣黨僧係不知旗籍蒙古喇嘛先未爲匪光緒四年十二月間黨僧至黑龍江地方會遇素識之蒙古布庫郭特爾薩凌保共談貧苦黨僧起意邀允布庫郭特爾等偷竊馬匹賣錢分用初九日夜同夥三人騎馬至廣興號馬圈內偷出馬匹拉走經事主張受全知覺跟追將黨僧等連賊拏獲報案審供不諱此案計大小馬七拾七匹訊係黨僧起意爲首在內地行竊應按刑律問擬除布庫郭特爾薩凌保均依爲從律減等擬流外黨僧合依奉天偷竊馬匹案

件照盜牛治罪盜牛二十隻以上不計贓數多寡絞例擬絞監候秋後處決等因具題奉

旨黨僧依擬絞監候餘依議欽此

光緒五年秋審竊賊未至五百兩黨僧應緩決 照緩

聽從發塚起骸及捉人勒贖聚眾奪犯 江西雩都縣案

一起譚冠譚義檀譚禮芹聽從發塚一案將譚冠譚義檀譚禮芹俱依例擬絞等因具題奉

旨三法司核擬具奏欽此該臣等會看得譚冠譚義檀譚禮芹均先未為匪譚冠係廩生鄧昌國將田佃給族人鄧檢仔耕種該田係譚姓出業向有無主古墳壹塚並譚冠等族祖譚楚瑛墳墓鄧檢仔因古墳年久下陷平治為田未見棺槨經譚冠族人譚乞人仔瞥見稔知鄧昌國家道殷實起意訛詐錢文尚允譚冠捏稱鄧昌國平毀譚楚瑛墳墓控縣勘訊將鄧檢仔杖責飭令

將墳修復譚乞人仔等控出有因免議完案同治元年十月間
譚冠譚義檀譚禮芹與譚乞人仔並族人譚揚柏譚義株譚器
七譚志若譚揚桃譚揚球譚禮倡譚揚忠譚揚斌譚揚濱會過
閒談譚乞人仔因前控鄧昌國毀墳未經訛得錢文心懷不甘
起意糾允譚冠等發掘鄧昌國之祖鄧業七墳塚起骸勒贖得
錢分用二十三日夜譚乞人仔等分攜香火鋤斧籬擔偕抵鄧
業七墳前譚乞人仔令譚冠譚義檀譚禮芹並譚揚忠譚揚斌
譚揚濱在山口瞭望自與譚揚柏等用火照亮分手刨開墳土
擡棄棺蓋檢取骸骨裝入籬筐經譚揚柏挑往譚義株家藏放

各散鄧昌國查知託人向譚族詢問報縣詳緝譚冠等逃避嗣
譚冠譚義檀潛回與譚揚柏譚義株譚禮倡並族人譚禮俊譚
禮勤譚濱家仔譚濱葆在山修整祖墳適鄧昌國之弟鄧昌蘭
帶領工人廖老竈周木匠趕墟回歸譚冠憶及鄧昌國不肯給
錢贖骸起意糾允譚義檀等捉禁鄧昌蘭等勒贖得贓分用喝
令譚義檀等將鄧昌蘭等攔捉帶至譚姓祖祠關禁並未凌虐
鄧昌國聞知邀人向譚冠懇釋譚冠勒索洋銀四百圓並嚇稱
如不給銀生官定將鄧昌蘭等打死鄧昌國恐鄧昌蘭等受苦
備洋銀三百三十圓交譚冠收受將鄧昌蘭等放回控縣會營

勘緝經兵役唐魁等將譚冠緝獲稟經外委陳飛龍押解赴縣
譚義株探知恐譚冠到官受罪起意糾眾打奪邀允譚義檀譚
禮芹並譚揚柏譚揚桃譚揚球譚揚忠譚揚斌及族人譚協中
譚讓玉譚義作譚義瓷幫助分攜竹銃木棍同夥十二人偕抵
樹林內等候陳飛龍督同唐魁張勝等押解譚冠走至譚義株
瞥見開放竹銃轟傷陳飛龍倒地譚義檀等趕出將譚冠奪脫
譚冠乘間扭斷鎖鍊同逃唐魁張勝追捕均被譚讓玉用木擔
毆傷報驗獲犯起出骸骨革審供認不諱陳飛龍等傷均平復
查譚冠譚義檀譚禮芹聽從譚乞人仔發塚起骸勒贖雖未得

財惟已將骸骨檢出卽與開棺見屍無異按例罪應擬絞其另
犯捉人勒贖並未凌虐及聚眾奪犯爲從均屬輕罪自應從重
問擬除發塚開棺見屍爲首罪應斬決之譚乞人仔病故爲從
罪應擬絞之譚揚柏譚器七譚志若譚揚桃譚揚球譚禮倡譚
揚忠譚揚斌譚揚瀟聚眾十人以上奪犯傷差爲首罪應擬斬
之譚義株並譚禮俊等緝獲另結譚協中依奪犯傷差爲從律
擬流外譚冠譚義檀譚禮芹均合依發掘常人墳塚開棺見屍
爲從絞例擬絞監候俱秋後處決等因具題奉

旨譚冠譚義檀譚禮芹俱依擬應絞著監候秋後處決餘依議欽此

又邀李椿會分攜器械夜至劉姓墳前李椿會在外瞭望李心奪用鑿掘窟撬開墓門將墓內兩棺堵板各鑿一孔摸取贓物走回李心奪又邀李椿會分攜器械夜至曲姓墳前見有四塚李心奪令李椿會掘開兩塚李心奪先後撬開墓門查看每塚各有四棺將各墓內女棺六具堵板用鑿鑿孔摸竊贓物因天已明亮攜贓走回次夜李心奪又邀李椿會仍到曲姓墳前李椿會在外瞭望李心奪先後刨掘二塚用鑿將三棺堵板鑿孔摸竊俱無首飾回將前後所竊贓物賣錢分用旋被拏獲審供不諱并究出李心奪另犯獨自發塚開棺見屍一次糾同李椿

會發塚尙未見棺一次除發塚開棺見屍為首罪應斬決之李心奪病故失察牌甲傳責外李椿會合依發塚見棺鋸縫鑿孔抽取衣飾為從絞例擬絞監候秋後處決等因具題奉旨李椿會依擬應絞著監候秋後處決餘依議欽此

同治九年秋審發塚見棺摸竊為從雖已四次惟幫同下手僅止二次李椿會應緩決

謹按發掘墳塚之案例以見一屍棺為一次不得以同時同地連發多塚者作為一次此起聽從發塚雖止四次惟統計鑿棺抽竊已至十餘次之多

雖僅止在外瞭望亦難不實是以改實

聽從發掘小功伯母墳塚鑿棺抽竊直隸涿州案

一起宋老琥聽從發掘小功伯母劉氏墳塚鑿棺抽竊一案將宋老琥依例擬絞等因具題奉

旨三法司核擬具奏欽此該臣等會看得宋老琥即宋鈺屏先未為

匪同治四年十一月十五日宋老琥與素識之李四遇道貧難

李四稔知宋老琥小功伯母劉氏故後棺內殮有首飾起意邀

允宋老琥偷創得贓分用是夜李四攜鐵鋤宋老琥持鐵斧借

至劉氏墳前李四用鋤創開墳土露出棺木宋老琥用斧在棺

前鑿孔用手摸出銀簪三枝仍將墳土填好將簪押錢分用逃



凡人辦理獨嚴至乃傷捕役三人亦由被拿情急所致且該犯脫逃係在未經到官之先與被獲後脫逃逞兇拒捕者不同似尙可以幫同鑿棺未至三次酌入緩決記核 照緩

賊犯遺火燒斃事主一命

河南長葛縣案

一起樊牛行竊遺火燒傷事主楊氏身死一案將樊牛依例擬斬等因具題奉

旨三法司核擬具奏欽此該臣等會看得樊牛與楊氏同村無嫌光

緒二年四月二十三日樊牛因貧難度起意行竊是夜獨自攜帶火煤走至楊氏門首翻牆進院撥門未開楊氏與夫兄王聚保驚覺起捕樊牛捺棄火煤上草堆越牆逃逸王聚保等追捕無蹤俱各睡歇不期遺火被風吹燃草堆延燒楊氏臥室王聚保喊經村衆將火撲滅楊氏燒傷殞命報驗獲犯審供不諱除

不能禁弟爲匪之犯兄及失察牌甲傳責外樊牛合依賊犯遺
火燒斃事主一命者照因盜威逼人致死律斬例擬斬監候秋
後處決等因具題奉

旨樊牛依擬應斬著監候秋後處決餘依議欽此

光緒四年秋審行竊遺火燒斃事主一命並非該犯意料所及
事出無心樊牛應緩決

因盜威逼人致死例實至遺火燒斃事主照囚盜
威逼致死之案道光三年奏定章程以其出於無
心聲明若燒斃一命者可以酌入緩決二十三年

江蘇八本張沅二十五年河南十四本張禿子二
十六年山東七本張春均照緩在案近年查無恰
合成案然章程云可酌入緩不曰俱入緩決自應
仍核情節輕重分別辦理或慌忙遺落或撩棄空
地不期延燒或將火息滅不期風吹復然顯出無
心者尚可緩決若撩火於必燒住房之地仍得入
緩恐開盜犯之避就增事主之冤慘此起事主僅
住房五間草堆卽在屋前遺火草堆勢必延燒住
房縱燒事主出於該犯意外其欲令事主趕緊撲

滅不暇追趕當在該犯意中若謂攜帶火煤不便
越牆慌忙撩棄不及致詳豈該犯獨能攜帶火煤
翻身入院乎未便以前有緩案遂概入緩致與章
程不符

因盜遺火燒斃事主之案以其出於無心若燒斃
一命可酌入緩此起遺火草堆延燒房屋致斃事
主一命非無顯出有心似可入緩 照緩



所
圖
書
印

